

近代中國史料叢刊第四十四輯
沈雲龍主編

退菴隨筆

梁章鉅著

文海出版社印行

光緒元年校刊

三思堂叢書

福州梁氏藏板

退菴自訂年譜

一卷

退菴隨筆

二十二卷

南省公餘錄

八卷

古格言

十二卷

閨秀詩話

四卷

農候禱占

四卷

月令附

校對無訛勿許翻刻

精刊于浙江書局

10/502M

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



退菴自訂年譜

退菴居士系出安定梁氏名章鉅字閣中又字蔭林晚年
自號退菴由泉州宋丞相文靖公派下分居福州長樂縣
南鄉之江田里 國初遷居福州城中自前明迄今十五
傳皆爲郡縣學諸生不斷河間紀文達公督學閩中以書
香世業扁旌吾閩乾隆四十年乙未七月初六日生於福
州淳仁里時先考翼齋公上公車未回是年先叔父九山
公成進士入翰林翼齋公諱贊圖字斯志又字翼齋行二
乾隆戊子與同懷第九山公同舉於鄉考補 丙廷咸安

述者自訂年譜

門下士 濰縣劉

宮教習

鴻翺拜填諱

丙申二歲

丁酉三歲長房伯兄虛白公

初名功政 名際昌

入縣庠

戊戌四歲虛白伯兄爲發蒙先妣王太夫人自課之

己亥五歲十月先大母林太淑人棄世是年翼齋公教習

期滿引 見以知縣用回里卽丁憂

庚子六歲在家讀書先考自課之

辛丑七歲先考授徒於經院巷彭宅隨往讀書

壬寅八歲先考授徒於開元頭林宅隨往讀書

癸卯九歲先考授徒於楊橋巷蔣宅隨往讀書始學作小詩是年同懷弟章垺生

甲辰十歲先考授徒於鹽法道德清戚公署齋閏三月先妣王太夫人棄世太夫人少以孝稱在室時嘗割臂肉療父篤疾先考爲作傳畧紀之

乙巳十一歲先祖天池公棄世公弱冠卽爲名諸生以耆儒宿學教授里中五十餘年值八十壽紀文達公有文祝之文載公集至是考終年八十二歲是秋先考爲廈防郡丞漢軍劉公延請課子隨往讀書福州距廈門五百里是冬以

臺灣林爽文滋事軍興孔憲道梗不得歸

丙午十二歲仍在廈門廳署始學作八股文並隨先考偕

同里先達鄭蘇年

光策

何實齋

西秦

林子川

雨化

張燮邦

經邦

諸公徧游厦島各巖洞復泛海覽鼓浪嶼之勝時屢

門洋船叢集商賈殷賑仙山樓閣甲於南天聞近日井里

蕭條大有今昔之感矣是年長房三兄曼雲公

初名雷改各運昌

入縣庠

丁未十三歲冬隨先考回福州移住新美里與九山公同

居從虛白伯兄學舉子業

戊申十四歲學使者雲間陸耳山師錫熊甄別生童余以

第九名童生錄送菴舉書院肄業山長爲孟考功瓶菴先

生超然都講卽虛白伯兄也

己酉十五歲春隨先考往仙遊金石書院讀書秋與四房

四兄澤卿公雲銑同赴長樂縣試受知於漢軍王弼齋師

俗郊錄取第二名

庚戌十六歲與三兄曼雲公同在菴舉書院二賢祠讀書

辛亥十七歲受知於丹陽吉渭厓師夢熊以第一名取入

長樂縣庠是年隨同邑陳茂真師士偉讀書於觀音橋齊

氏之漱芳軒

壬子十八歲隨外舅鄭蘇年師讀書於洗銀營趙氏之紅玉齋是秋鄉試卷備而不薦

癸丑十九歲仍隨蘇年師始學作詩賦雜文是年四兄津卿公入縣庠

甲寅二十歲隨林暢園師茂春讀書於洗銀營陳氏之鳳

池書屋是秋鄉試與虛白伯兄曼雲三兄同舉於鄉座主

爲歙縣程蘭翹師昌期仁和關晉軒師槐房官爲涇縣吳

虛谷師潛

乙卯二十一歲會試薦而不售房官爲鄱陽胡果泉師克

家遂留京過夏考取 景山官學教習是年澤卿兄舉於

鄉

嘉慶元年丙辰二十二歲會試薦而不售房官爲山右李

石農師鑿宣五月由運河回閩七月患瘧至重陽始到家

冬至前一夜而止歲杪鄭夫人來歸卽蘇年師長女也

丁巳二十三歲授徒西門街劉宅

戊午二十四歲授徒南營姜宅章垣弟入縣庠是冬先考

以知縣選期將到呈明不願外任選得汀州府甯化縣學

教諭挈章垣弟赴任而命余上公車

己未二十五歲會試薦而不售房官爲吳縣吳少甫師

樹

營同房曼雲三兄遂成進士入翰林六月回家仍在蘇年

師館中課文

庚申二十六歲大兒逢辰生輯東南嶠外書畫錄二十卷

自爲序

辛酉二十七歲會試以九山公爲內簾同考官回避未入

場與大挑又不得乃就補 景山教習

壬戌二十八歲會試以二甲第九名成進士座主爲紀文

達師鉛山熊謙山師枚蒲洲玉研農師駿大庾戴可亭師

均元房官為高陽韓湘帆師掄衡朝考入選第二名因

受知於大興朱文正師珪大庾戴文端師衡亨長沙劉文

恪師權之蒲洲英煦齋師和那緯齋師彥成萊陽初頤園

師彭齡浦城祖舫齋師之望引見以翰林院庶告士用

教習師為黃陂帥仙舟先生承瀛是秋聞先考甯化之計

踉蹌南奔由江西取道汀州入甯化計署中視舍歿者惟

章垣翁一人痛哉

癸亥二十九歲正月始至甯化學署四月扶櫬回福州從

苦由中編輯翼齋公遺詩文兩卷行狀一卷又輯家譜四卷

甲子三十歲鄭蘇年師終於菴峰講席與同門友沙縣陳

名世

同校刊西霞文鈔兩卷爲之序吾師遺文此其一斑

也

乙丑三十一歲二月服闋進京散館以二等第五名引

見政部主事籤掣禮部入儀制司行走是秋因病請假回

籍在部時輯南省公餘錄四卷謝薌泉先生

振定

爲之序

嗣後拓爲八卷付梓

丙寅三十二歲家居輯長樂詩話八卷自爲序

丁卯三十三歲掌浦城南浦書院講席秋挈季生

肇文游

武彞有游記及詩紀之祖舫齋師陳恭甫編修

壽祺

各爲

之序

戊辰三十四歲仍赴南浦講席秋爲本省撫部張蘭渚先

生

師誠

延入幕中爲撰擬頌冊及奏御文字並校勘所進

遺書數十種各加按語如四庫書提要之例

乙巳三十五歲仍赴南浦講席輯東南嶠外詩文鈔若干

卷陳恭甫爲之序

庚午三十六歲仍赴南浦講席輯夏小正通釋四卷南浦詩話四卷皆祖舫齋師爲之序

辛未三十七歲復入張撫部幕與陳恭甫分纂御製全史詩註六十四卷是春爲先考妣合塋祖舫齋師爲之誌銘事畢仍赴南浦講席校補倉頡篇三卷選輯閩文典制鈔四卷是年次兒丁辰生

壬申三十八歲仍赴南浦講席秋後回家開藤花吟館集里中諸名流觴詠其中有藤花吟館書卷陽湖李申耆邑

侯兆洛歙縣程春海侍郎恩澤並爲之記

癸酉三十九歲仍赴南浦講席與鄭松谷鵬程林蓼悵軒

開二親家重游武彞又與全生微蘭游漁梁萬葉寺志乘

所謂天下十大名山之一也是冬挈眷進京在浦城祝東

歲親家昌泰有斐園中度歲

甲戌四十歲三兒恭辰生於台庄舟次八月抵京進署銷

假仍在儀制司行走是歲由運河北上滯居漕艘中百餘

日取舊讀昭明文選筆記之件編錄而增益之是為文選

旁證之權輿自是每年趨公之暇輒涉筆焉

乙亥四十一歲同劉芙初吳蘭雪陳石士李蘭卿謁翁覃

溪師為蘇齋詩弟子者三年是夏聞四叔父九山公之訃
公諱上國字斯儀又字九山乾隆乙未進士歷官翰詹科
道洊至太常卿終於廣西學政任所陳恭甫銘其墓

丙子四十二歲兼精膳司稱辦掌印是秋考選軍機章京
以第一卷引 見 記名是冬入宣南詩社胡墨莊侍御

承珙潘功甫舍人 曾沂各為之記輯春曹題名錄六卷

丁丑四十三歲四兒映辰生秋與顧南雅 蒞龔季思 守正

二同年游西山有詩紀之又與陳石士編修 用光陶雲汀

給諫 澍王北堂明經 登齡游昌平有文紀之

戊寅四十四歲入直軍機是秋扈 蹕盛京來往七十三
日游醫無閭及松杏諸山以校勘科場條例被議降一級
留任旋以扈從議叙加一級

己卯四十五歲三月扈蹕 東陵 南苑 公餘借

同人坐山轎登雲 寺又於月夜上古中盤飲 晨始

下入直各有詩鈔 是冬以 覃恩誥授奉直大夫 誥

贈先考如章鉅官先妣王氏爲宜人 封妻鄭氏爲宜人

庚辰四十六歲扈 蹕灤陽加一級又恭送 睿廟梓宮

加一級又恭遇 覃恩兩次各加一級是役恭逢 睿廟

升遐變生倉猝前無故實可稽樞廷直務填委而禮臣隨
扈者堂官僅黃左田大宗伯鉞一人漢司真僅章鉅一人
奏疏文移賁無芻貸時樞臣禮臣皆日數召見斟酌典
禮體大思艱余以一小臣徃復其間哀苦之餘益增凜懼
蓋不敢休息者徹數晝夜自禮部堂屬官續到者數人乃
始分任其勞藉免隕越云九月回京兼祠祭司行走是冬
以覃恩誥授中憲大夫晉贈先考爲中憲大夫先妣
王氏爲恭人誥封妻鄭氏爲恭人

道光元年辛巳四十七歲五兒敬辰生二月以補授主客

司主事引 見仍在儀制祠祭兩司行走禮曹四司至是
乃徧歷焉三月扈 蹕易州以恭襄 山陵大典議叙加
隨帶二級四月以考試差引 見六月由軍機大臣以行
走勤慎議叙奏准卽升員外郎先換頂戴十一月以補授
儀制司員外郎引 見是年充 大清通禮館纂修又充
內廷方畧館纂修又以與同人分校遼金元三史地名入
名官名余分得金史全部又分纂西域圖志未成書
壬午四十八歲由禮部堂官以才具練達克稱厥職保舉
京察一等二月由史部引 見奉 硃筆圈出交本部堂

宮查復加才識精明辦事老練堪勝外任考語引見
記名以繁缺道府用仍加一級閏三月授湖北荊州府知
府次日具摺陳謝 召見於 乾清宮西房五月挈眷出
都六月莅荊州任是月卽奉檄兼護荊宜施道兼管荊州
鈔關監督先是所屬監利縣與沔陽州民以爭水相仇殺
官不能治大府檄予馳往查辦乃先以詩歌代爲文告勸
諭之又爲親莅水濱議清界址兩境士民悉服其惠遂平
公餘編輯樞垣紀畧十六卷朱詠齋同年上彥爲之序蓋
前數年在樞直時稿本至是始彙次成書云

癸未四十九歲擢授江南淮海河務兵備道五月挈眷由
大江順流東行六月至清江浦莅任輯江漢贈言二卷皆
楚省僚衆士民送行之作黎湛溪河帥世序爲之序九月
以霜降安瀾議叙紀錄二次是冬以 覃恩誥授朝議大
夫 誥贈先考如章鉅官 誥贈先妣王氏爲恭人 誥
封妻鄭氏爲恭人

甲申五十歲以前在方畧館校勘金史書成由軍機處奏
准從優議叙加一級紀錄二次九月調署江蘇按察使駐
滄浪亭行館有滄浪亭題詠兩卷張蘭渚先生林少穆尙

書則徐各爲之序十月以霜降安瀾議叙紀錄二次十一

月回淮海任值高家堰失事勞勞襄辦者三閱月有上嚴

小農河帥煥乞免調任淮揚道書上星使支秋潭字汪瑟

菴廷珍二尙書請修復堰圩二隄書

乙酉五十一歲春管理盤運漕糧總局五月調署江蘇按

察使七月又調回盤運漕糧總局九月將滯漕二百萬石

全數盤運渡黃北上是役請撥銀一百一十萬至是竣事

計節省銀三十二萬奏入自督部河帥以下皆甄叙有差

遂擢山東按察使先是制河二大府銳意治河方議挑關

孟雨灘以取直又議改上流海口以利運又欲開王營減壩以洩漲悉係淮海所轄地方余皆力陳其不可以去就爭之事遂不果迨余去任始紛紛興辦矣是年大兒逢辰登鄉薦第二名

丙戌五十二歲進京謝恩蒙召見三次賜克食二次二月抵山東任十一月調補江西按察使未行兼署山東布政使擢江蘇布政使輯古格言十二卷湯敦甫協揆金釗劉次白中丞各爲之序

丁亥五十三歲抵江蘇任輯東南棠蔭圖詠三卷皆山左

僚築士民送行之作朱蘭坡同年璠爲之序是役順途登

泰山莅任後督同李葛峯太守景暉修治泲湖一月而竣

事旋請籌款挑濬吳淞江卽於是冬興工督同陳芝相太

守鑾往來催查次年夏竣事

戊子五十四歲以挑濬吳淞江議叙加一級修滄浪亭工

竣記而碑之輯滄浪亭志四卷又建吾宗伯鸞高士祠記

而碑之輯梁祠紀畧二卷朱蘭坡爲之序是歲以覃恩

誥贈先曾祖砥峯公爲通奉大夫如章鉅官先曾祖妣林

氏爲夫人皆章鉅以本身妻室應得封典呈請上賜者也

譜贈先祖天池公暨先祖妣林氏先考暨先妣王氏亦如之

己丑五十五歲九月撫部陶雲汀宮保奏請護理江蘇巡撫宮保入 覲之缺也輯吳申唱和集八卷作者二十一人皆壬戌同年之在吳與過吳者之詩自爲之序又作小滄浪七友畫卷刻石滄浪亭壁朱蘭坡爲之記

庚寅五十六歲八月奉 命護理江蘇巡撫陶宮保擢督之缺也十二月復奉 命護理江蘇巡撫盧厚山宮保

坤

擢督之缺也是年始徧游吳下諸山各有詩冊畫卷紀之

辛卯五十七歲江淮大水成災流民蔽江而來每日以萬計乃率屬捐廉出示募捐一面給船咨送一面設厰留養計自初秋至冬孟三月餘日資送出境者六十餘萬人自初冬至次年春季在厰留養者四萬餘人復自捐棉衣萬襲以爲厰中禦寒之具於三月末陸續資送北返沿途頗有頌聲何竹薌郡丞士郡爲作目送歸鴻畫卷高雨農會人謝然爲之記

辛卯五十七歲修復練湖輝壩是冬回空軍船藉以無阻又籌款奏請興挑孟瀆三河未竣事而去編梓亡友程春

廬府丞

同文

遺詩四卷題曰密齋詩存爲之序

壬辰五十八歲二月奉命護理江蘇巡撫程梓庭中丞

祖洛擢督之缺也計余官大江南北歷觀察廉訪旬宣並

四權撫篆前後凡八年有餘江省吏才最盛余歷任所薦

舉守令不下數十輩皆執弟子禮甚恭而如陳芝相蘇鼇

石廷玉劉次白趙竹泉炳言皆不數年開府持節以去此

外如額華農騰伊王香湖青蓮兩方伯俞陶泉德淵李石

舟國瑞兩都轉王槐午錫蒲李碧山廷錫兩觀察李葛峯

景嶧王善舟有慶陳星垣經三大守或以故或以病去皆

實不愧循卓之稱尤往來於余心不釋云是年四月因病
奏請開缺奉 旨俟林則徐到任後再行開缺回籍調理
五月鄭夫人携家先行六月林少穆抵蘇遂卸撫篆挈映
兒登舟因建溪水淺小住浦城輯葑江別話四卷皆江南
僚衆士民送行之作八月回福州進黃巷新宅是歲吾鄉
秋禾爲風雨所傷米價驟貴而臺灣逆民陳辦滋事臺米
不能內運民間蓋藏空乏衆心惶惶因建議致書大府力
懇奏請借撥江南漕米十萬石程梓庭督部入 告准行
於次年青黃不接之時由海船運到鄉里便之是年修葺

宅右小樓榜曰黃樓與同里諸耆舊以詩酒相往來輯三山唱和集十卷

癸巳五十九歲先室鄭夫人棄世爲撰事畧梓行之劉次白中丞高雨農舍人各爲之傳林少穆尙書爲之墓表輯江田梁氏詩存九卷自爲之序是歲修葺宅左小園榜曰東園分爲十二景有詩紀之

甲午六十歲輯退菴隨筆二十卷自爲之序此書先爲關中友人所刻後至桂林後加增刪擴爲二十四卷賀耦庚

中丞長齡序之

乙未六十一歲集詩社諸君子在做廬設局勸捐義倉穀
價忙碌者數十日而後集事五月奉 召入都挈逢兒映
兒束裝就道至揚州病瘧留滯月餘日八月由運河北上
舟次輯北行酬唱集四卷皆同里知好及大江南北僚家
士民贈行之作陳芝楣中丞爲之序八月杪抵京遞摺銷
假蒙 召見一次次日卽授 甘肅布政使復蒙 召見二
次並 賜克食於重陽日挈逢兒映兒赴甘肅任順途游
華山

丙申六十二歲甘藩庫中前因辦理軍需有漏卮銀七萬

兩經手者半已離甘部中屢行查詰督部不知所爲余殫
五日夜之勤設法補苴完結上下同官及離甘各官皆德
之正月調授直隸布政使以留辦 計典遲至三月杪始
成行途次接奉擢撫廣西之 命五月抵京遞摺謝 恩
蒙連日 召見六次 賜克食五次卽陛辭出京挈丁兒
敬兒赴廣西任兼署廣西學政三閱月以奉查馮贊勳揭
叅楊時行一案據實奏覆奉 旨嘉獎議叙加一級輯宣
南贈言二卷皆日下同人話別之作也途中舟過衡山在
船窻中飽觀一日有詩紀之冬奉 賜福字一方